



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 4. Accusationis Articuli.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Tum Orientales exclamare: *Dignus est!* Ægyptii clamabant: *ne dicatis ipsi-  
sum Episcopum! non est Episcopus! apa-  
ge Dei inimicum! Judæum!* Orientales  
econtra: *vir Orthodoxus in Concilio se-  
deat! ejicite seditiosos! latrones ejicite!*  
cum aliquamdiu reciproci clamores te-  
nuissent, tandem Magistratus dixerunt:  
*populares hi clamores non decent Episco-  
pos, nec Partibus quidquam utilitatis affe-  
runt; concedite igitur, ut omnia legan-  
tur.* Ægyptii clamarunt: *unum homi-  
nem ejice, & omnia audiemus, pro Fide  
Catholica clamamus.* Magistratus: *imo  
aures præbete! & donec omnia ordine per-  
lecta fuerint, expectate!*

## §. IV.

*Accusationis Articuli.*

Constantinus, & Beronicianus Notarii p. 3.  
lectionem epistolarum de convoca-  
tione Concilii Ephesini profecuti sunt;  
cumque Beronicianus dixisset, Imperato-  
rem Theodosium pari modo ad Juvena-  
lem Jerosolymitanum, ac ad Dioscorum  
Alexandrinum scripsisse, Dioscorus ait:  
*videtis, quod Imperator non mihi soli hoc  
Judicium commiserit, sed etiam Episcopo  
Juvenali, & Episcopo Thalassio Auctorida-  
tem in Concilio judicandi tribuerit; quod  
judicavimus, judicatum est; universum  
Concilium Acta vel via voce, vel scripto  
appro-*

Sæculum V. approbavit, & omnia ad Imperatorem  
 A.C. 451. Theodosium felicis Memoriae relata, qui  
 ea edita Lege universali confirmavit.

Tum Orientales exclamare: nemo con-  
 sensit, vim nobis intulerunt, verberibus  
 affecti fuimus, signum nostrum apposuimus  
 chartæ vacuæ, exilium subscribere detre-  
 ctantibus minabantur; milites urgebant  
 nos, gladiis, & fustibus armati, o Sanctum  
 profecto inter fustes, & enses Concilium! ad  
 id ipsum Dioscorus milites collegerat. Ex-  
 pellite Homicidam! Milites Flavianum  
 deposuerunt. Ægyptii clamabant: ipsi  
 subscripserunt primi. Cur Clerici clamo-  
 res excitare permittuntur? ejiciantur ho-  
 mines in hoc loco inutiles! prodeant illi,  
 qui subscripserunt! nos post subscriptionem  
 vestram nomen addidimus.

Stephanus, Episcopus Ephesinus di-  
 xit: postquam ad meam Communionem  
 Episcopum Eusebium, & quosdam alios,  
 quos inter Elpidius, & Eulogius, recepif-  
 sem, milites, & Monachi Eutychis in Do-  
 mum Episcopalem advenientes, viri ferme  
 trecenti, mortem intentabant, dicebant-  
 que: Theodosii hostes suscepisti, non es ami-  
 cus Cæsaris. Dixi: jura hospitalitatis co-  
 lo, causæ huic me non immisceo, Commu-  
 nionem negare hominibus non potui, qui  
 ab ea exclusi non fuerunt. Ita omnia vi,  
 & armis gesta sunt. Magistratus dixe-  
 runt: num tibi a Dioscoro vis illata?  
 Stephe

Stephanus, Episcopus Ephesinus, respon-  
dit: non passi sunt me Ecclesia exire, an-  
tequam Sententiæ Dioscori, Juvenalis,  
Thalassii, aliorumque Episcoporum, ad  
quos litteræ Cæsaris directæ fuerant, sub-  
scripsesem.

Thalassius, Episcopus Cæsariensis, di-  
xit: verum quidem, quod in epistola Impe-  
ratoris nominatus sim, nescio, quomodo id  
factum; sed cum aliqua contra æquitatem  
feri viderem, conatus sum ea impedire, &  
volebam, ut supersederent. Hujus rei te-  
stes habeo. Theodorus, Episcopus Clau-  
diopolitanus in Isauria, dixit: Dioscorus,  
Juvenalis, & omnes illi, qui primi sub-  
scripserunt, quibusque ab Imperatore man-  
datum, ut quæstiones Fidei deciderent, ne-  
quiter colludentes, eo nos adduxerunt, ut  
judicaremus, nos, inquam, quibus in Con-  
cilio sedentibus, nulla hujus causæ cognitio  
erat. Acta legebantur, Flavianus Beatæ  
memoriæ laudabatur, tacebamus, quod om-  
nia ex æquo fieri nobis viderentur. Tunc  
vero ut nobis terrorem incuterent, excla-  
marunt: eos omnes, qui de duabus Naturis  
loquuntur, secate medios! dividantur, qui  
Iesum Christum dividunt! bos pellite, abi-  
gite! atque ita Hæresis Nestoriana insimula-  
batur. Nemo ex nobis fuit, qui non tre-  
pidaret, timebamus, ne specie Hæresis Ec-  
clesiis nostris pelleremur, & animas, quas  
in salutifero Baptismi fonte lucrati era-

Sæculum V.  
A. C. 449.  
p. 114.

Acta Conci-  
lii Calcedo-  
nensis.

Hist. Eccles. Tom. VI. Nn mus,

Sæculum V.

A.C. 451.

*mus, perderemus. An non in his angustiis  
consultissimum fuit tacere? sed ad aliud  
erratum transeo. Imperator Conventum  
nos agere jusserat, ut præprimis causa Ela-  
viani judicaretur; isti autem, postquam  
sæpius convenissent, nulli rei subscrip-  
serunt, nullam sententiam in tabulas retulif-  
serunt, nemini, quid statutum esset, ostendif-  
serunt, omnibus, quid ageretur, ignavis, va-  
cuas chartas nobis obtulerunt, isti, inquam,  
Dioscorus, & Juvenalis, quos ignotorum  
hominum cohortes circumdabant, clamore,  
& tumultu locum Concilii implentes. Ade-  
ramus Episcopi universim centum triginta  
quinque. Ex his duo, & quadraginta ta-  
cere jussi; cæteri erant Dioscorus, & Ju-  
venalis cum memorata multitudine. Nos  
quindecim numero superfuimus; at quid  
statuendum erat inter malleum, & incudem  
positis? innocentum sanguini insultarunt  
Hæretici isti; simul omnes vociferati, ut  
nos terrerent magis; Hæreticos appella-  
bant, & tanquam Hæresis nota infames  
ejecerunt.*

*Orientalis exclamarunt: omnes, quæ  
Theodorus dixit, dicimus! econtra Ægy-  
ptii: Christianus neminem timet; affera-  
tur ignis, & rei veritas patebit! nullos  
Ecclesia haberet, quos coleret Martyres, si  
homines timuissent. Dioscorus dixit:  
cum affirmant, nescivisse se, quid judica-  
tum fuisset, & vacuæ chartæ nomen sub-  
scripsisse,*

scripsisse, nomen apponere non debebant, <sup>Sæculum V.</sup> priusquam, quid Concilium decrevisset, A.C. 451. certe scirent, præsertim quia materia Fidei tractabatur. At quis ipsorum declarationem conscripsit? rogo vos! jubete! ut edicant. Magistratu jubente, ut Acta ulterius legerentur, Constantinus Notarius Acta Concilii Ephesini legere cœpit ex illo exemplo, quod Aetius Archidiaconus Constantinopolitanus conscripserat. p. 115.

Cum legeret Nomen Julii, Legati Pontificii, Orientales exclamarunt: *bunc expulerunt, Leonis Nomen non receperunt.* Ad Flaviani deinde Nomen exclamarunt: *Flavianus Concilium ingressus est, tanquam jam condemnatus; inimicorum suorum improbitate oppressus est, quare enim Flaviano locum suum occupare non licuit? quare Episcopum Constantinopolitanum loco quinto posuerunt?* Pascasinus Legatus dixit: *videtis, Deo sint Laudes! quod Dominum Anatolium primo loco ponamus; ipsi vero Beato Flaviano locum quintum dederunt.* (\*) Diogenes, Episcopus Cyzicenus, dixit: *nempe vos Canones non ignoratis. Ægyptii exclamare: Quæsumus! homines ad præsens negotium inutiles ejicite! Imperator Episcopos convocavit, Episcopi faciunt Concilium. Cur bo-*  
 Nn 2                    *minum*

(\*) Hic Legatus Pontificius videtur lenius locutus, quam voluisset S. Leo, si adfuisset.

Sæculum V. *minum inutilium clamor toleratur?* Theodorus Claudiopopolitanus dixit: *quis clamat, nisi Dioscori Notarii?* Dioscorus: *duos non plures habeo Notarios, num viri duo tumultum creare possunt?*

§. V.

*Alii Articuli.*

p. 122. Ventum est ad illum Actorum locum, ubi dicebatur, Legatos S. Leonis Pæpæ epistolam ipsius Concilio Ephesino tradidisse, jussisse Dioscorum, ut reciperetur, sed statim Joannem Presbyterum, Concilii Promotorem, proposuisse, ut legeretur aliqua Epistola Imperatoris, quod ut fieret, Juvenalem mandasse. Cum igitur locus iste Calcedone legeretur, Aetius, Archidiaconus Constantinopolitanus, dixit: *Epistola Sanctissimi Archiepiscopi Leonis nec lecta fuit, nec recepta.* Orientales exclamarunt: *non fuit nobis prælecta Epistola, tunc enim Actis fuisset inserta.* Eusebius Doryleensis dixit, de Dioscoro loquens: *Epistolam Synodalem suppressit, nec passus est, ut legeretur.* Archidiaconus Aetius subjunxit: *septies juravit coram omnibus, jussurum se, ut legatur;*

Sup. lib. XXVII. §. 38.

p. 123. *perjurii reus est!* Theodorus Claudiopopolitanus: *ipsum juramento se obstrinxisse omnes scimus, itemque epistolam non fuisse lectam testamur omnes.*

Magi-